



**SIUMUT
INATSISARTUT**

13. februar 2017

Inatsisartut suleriaasianni § 37 naapertorlugu matumuuna apeqquutit Naalakkersuisunut imaaattoq saqqummiuppara:

Apeqquut:

Kalaallit Airport-imut suliassanngortinnejarsimasut Ilulissani, Nuummi Qaqortumilu mittarfiliornissat isumagisassanngortinnejarnikuupput. Tamatuma saniatigut mittarfiliassat naatsut Ittoqqortoormiuni, Tasiilami piffinnilu allani soorlu Qasigiannguani, Qeqertarsuarmi, Kangaatsiami nunattalu kujataani misissueeqqaarnerit qaqugu aallartinneqassappat?

(Inatsisartuni ilaasortaq Jess Svane, Siumut)

Tunngavilersuut:

Pingaartumik Qeqertarsuup tunuani ukiorpassuanngortuni ajornartorsiutaavoq immakkut silaannakkullu angalaniartarnerup pitsaannginnerujussua. Taakkunani peqqutaalluni qulimiguullit silamik peqquteqartumik aammalu silaannakkut angallassissutit Qeqertarsuarmut, Qasigiannguanut Kangaatsiamullu atorneqartartut iluarsartunneqartuartariaqarnerat pissutaalluni kinguaattoornerparujussuit pisarmata. Aammalu kinguaattoornerparujussuit kisiisa eqqarsaatiginagit unnuisariaqlersarnerit assigisaallu atuisunut aningaasarutaalersarput. Naak Qeqertarsuaq Qasigiannguillueqqarsaatigalugit allanut naleqqiullugit billetsinut akiliutigisartagaat qaffasinnerujussuit atortinneqarlutik.

Immakkut angallassissutaasut imarlutsillugu toqqisisimanngitorujussuarmik atorneqartarput. Aalassarluttunngorsimatilluni nukipparujussuit atorneqartarput ajornerpaamillu timikkut ajoqusernermik allaat kinguneqarsinnaalluni.

Ulluni makkunani imaannaannngittumik “*nilliasoqarpoq*”. Aningaasanut inatsimmi kto. 72.20.07 oqaasertaliunnejarsimasut aalaavigalugit kinguarsaaqqinnissaq pissutissaqanngittutut isikkulik aallaavingalugu ullut nalinginnaasut 10 iluini akineqarnissara naatsorsuutigaara.